

肇論新疏游刃卷第十六

寅七

五臺大萬聖祐國寺開山住持 般若

查馬等至歸國海歸法真覺大師長講沙門文才述

疏涅槃者下初略釋通名通名有三謂圓寂滅度無爲後二如下論自釋唐譯下即唐矣

金七

公三藏法師也常樂我淨名之四德此四且約翻無常等四倒以顯之約治惑業苦三障以顯三德然實具恒沙無盡性德故清涼釋之義充法界德備塵沙曰圓體窮真性妙絕相累爲寂即第一義下指體也然涅槃之體

或指三德或指真如實際等今依表中也故大經二十七云佛性者名第一義空第一義空名爲智慧等佛性乃涅槃因中之名如大經云是因非果如佛性是果非因如大涅槃該通下經云空者一切生死不空者謂大涅槃

槃又云佛性者即是無上菩提中道種子等約位下凡聖因果皆名曰位二十七云一切衆生悉有十二因緣一切衆生悉有佛性未證者二十一云是大涅槃凡夫未到以有貪欲嗔恚愚癡故三乘下二乘涅槃但離煩惱

虛妄其實未得一切解脫二十七云十住菩薩雖見佛性而不了了等皆顯三乘證未盡也剋體下自性涅槃體無不遍法無不具闡提此云無性依法相宗說五種種性有無道理此一闡提焚燒善根謗菩薩藏法爾永無

三乘不定乘等入涅槃性若法性宗一闡提輩但是無有聞熏非無本有佛性故大經第九廣斥闡提斷善不得成佛至二十一經以後廣說闡提悉有佛性故二十七云一切眾生悉有佛性乃至一闡提等亦有佛性一闡

提等無有善法佛性亦善以未來有故一闡提等悉有佛性何以故一闡提等定當得成無上菩提故二十一又云一切衆生悉有佛性懺四重禁除謗法心盡五逆罪滅一闡提然後得成無上菩提等若爾何以善戒等經

塞

二

說一闡提無種性故雖復勤行精進終不能得無上菩提邪答準清涼生公之意但是毀責之辭令彼不作闡提如世之痛罵不肖之子云此無人性雖強力學之終無所成彼若迴心成人可望如來亦爾或曰理性等有行

性或無此亦曲會未盡終極之唱何者彼經文云善男子佛性者謂其十力四無所畏大悲三念處一切衆生悉有三種破煩惱故然後得見闡提亦爾又云一切衆生悉有一乘無明覆故不能得見據此何獨爾邪不減者

二十二略云闡提斷善不斷佛性等極喜者初地也謂此菩薩初斷二障現行證二空真如即是少分見佛性故非增者謂性本圓成非新增故出處者易繫云君子之道或出或處儒以仕進名出守志名處論主以有餘名

出無餘名處如下云生名有餘滅名無餘此亦略辨涅槃種類也準出現疏此四之外更列性淨方便淨或真或應等然論皆有之至文當示彼疏又引唯識云自性涅槃衆生等有二乘無學容有前三唯佛世尊獨言具四

卷三

三

等體用者顯大般涅槃也自性體也本也餘三用也末也亦可無住體用兼含言混成者體時恒用末時恒本末有非真之應非應之真也細求下論自識其玄四而非四者謂約出處之跡非四而四約真應之源四而非四

無名下初釋依秦主谷安城侯書釋之所引即花嚴須彌頂上偈讚品具云有諍說生死無諍即涅槃云二就下約自性涅槃之體明也涅槃下二十七云十相者謂生老病死色聲香味觸無常遠離十相者名大涅槃亦離

有無之相如下論示本經下經說有有因之名如舍利弗母名舍利因母立名故云舍利弗弗子也有無因之名如薩婆訶多名爲蛇蓋實非蛇蓋是名無因強立名字如訥羅婆夷名爲食油實不食油強爲立名名爲食油

是名無因強立名字善男子是大涅槃亦復如是無有因緣強爲立名等釋曰有因無因二種之名此方亦多物能捕鼠名曰鼠狼此有因也藥名蜜陀僧等有何因乎皆是情想取相立名名亦何真依相立名尚入虛假無相立名豈非強爲淨名下如常所聞徧友下即花嚴七十六云我聞聖者善能誘誨願爲我說徧友答言善男子此有童子名善知衆藝學菩薩字智汝可問之當爲汝說等即徧友自不答也首唱先言也發越也揮散也謂

論主演釋無名之旨發越揮散共稟下謂教  
中已有無名之言秦王與論主舉而明之也  
述而不作者論語文自下釋論多依本經及  
出現大疏釋之凡云大經即大涅槃經引他  
經則名之 趾表端等者端首也謂君臣之

塞

四

禮凡上章奏首必稱臣臣謂臣僕男子賤稱  
謙禮於君也僧則國君捨之爲方外之人是  
國之賓非國之臣如易之蠱卦上九之辭云  
不事王侯是也古之沙門行業高者天子不  
下詔沙門不上表但書相往來如晉慧遠法

師唐苑律師等亦有不免而上者如安公之  
諫符堅支遁之辭晉主表首但名而已流之  
宋世雖三藏施護亦自稱臣况其他乎然儒  
之君子亦有肥遁高尚其事避色避世者如  
子陵不臣光武戴逵不友晉帝等斯人亦多

論主時方年少以方外自處能以道賓秦不  
以禮臣秦故稱名而已其高可知老氏者即  
三十九章文 趾尚書等者舜典曰若稽古  
帝舜曰重華協於帝濬哲文明溫恭允塞東  
萊解云濬者宏深與濬川之濬相近然多見

睿以舊字膺與嚴同尚書堯典云若稽古帝堯曰放黜欽明文思安安等環中下彼篇次前云彼是莫得其偶謂之道樞樞始得其環中等大意謂是非互指彼此無主彼亦一是非此亦一是非則是非皆虛也彼此無偶也無偶

卷

五

則一一則爲道樞故是非往來彼此相向如環之無窮無是無非如環中之虛也此亦少同吾宗法空之理疑亦得乎吾佛之緒餘武武以下文武乃國之治具武可以禦外難禦止也文可以經內邦四大即老氏第二十五

中文疏放捨等者大經第四云然後要於大般涅槃放捨身命是故名曰大般涅槃等水大貌者正取廣大之義叢筠下叢林藪也筠竹也法花第一云假使滿世間皆如舍利弗盡思其度量不能測佛智又云無漏最後身其數如竹林欲思佛實智莫能知少分等今云地滿智雲即十地菩薩亦最後身也疏十有等者什公在關輔僅八年并去姑減十有餘年也 薏論語下即里仁篇同聲下繫辭云同聲相應同氣相求雲從龍風從虎等言感

而會莊子者彼田子方篇大意云雪子楚人因使於齊而舍於魯所以仲尼見之文多如彼二人下繁辭云二人同心其利斷金今謂秦主什公相契始能弘法利世論夫衆生下初則順流下轉門圓覺經云欲因愛生命因

欲有等若欲下即返流上轉門愛欲之因若滅則生死之果自喪略同者且約無相體遍之義爲喻然無知無覺不必全同是故經說涅槃於世法無渝疏美者讚美也王者下謂富有四海尊極一人非獨萬姓之子實亦

三寶之主孰去留之柄關盛衰之風至于歎德景行宜其過實也疏謂所等者子夏詩序云情動于中而形于言言之不足故嗟歎之嗟歎之不足故詠歌之詠歌之不足不知手之舞之足之蹈之論津梁者津謂津渡

平

六

如津處施之橋梁也疏司馬者前漢武帝時人撰史記也易本下繁辭云古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德等文王下謂

文王每一卦之下繫辭以明之大意如乾卦云乾元亨利貞是也周公下即文王之子凡卦六爻每爻各繫辭以明之如乾卦初爻云潛龍勿用等是也孔子下謂上彖下彖大象小象上繫下繫文言說卦序卦雜卦豈曰等者亦謙也

疏末章等者謂秦主荅姚嵩之書而有兩端一答無爲宗極二破空寂無聖今則後端也不容有聖者謂絕智淪虛似小乘無餘之說莊子下彼逍遙篇略云肩吾問於連叔曰吾聞言於接輿大而無當往而不

反太有逕庭不近人情等疏文借下二十文借以顯理疏疑蓋者謂五蓋之中疑爲一也扣擊也宜用叩字叩頭也然文法凡虛心求理皆名爲叩如論語云我叩其兩端而竭焉圭峯亦云課虛叩寂是也今用扣字

案

七

謂扣擊玄關義亦可通但犯嚴猛恐後人參正之訛疏作意下傳云什亡之後追悼永往翹思彌厲乃著涅槃無名論等翹舉也思謂哀思時舉未嘗放也厲嚴也或排下小乘以生死爲界內涅槃爲界外如下有名云然

則衆生之性頓盡於五陰之內涅槃至道獨建於三有之外等今大乘衆生即涅槃體無不遍用無不極何有界內界外之殊也 跖條謂等者謂將演論條段布列於文牒之上繩營也班布也 跖西來下謂五天竺國鄉

音不同如此方燕鄉越里之殊呼楚國秦邦之異說 跖十演等者謂此論初略示名義直談自性清淨之體以爲宗極然後折而演之做法也命召也彼云開宗明義章第一謂於此一章亦略張孝道之宗明其孝爲至德

要道之本然後述天子諸侯等五人所行不同同歸于孝 跖欲明等者謂小乘教中唯說此二爲究竟之果未知此二應物之迹故假有名爲難論主以一實之理破此二權直示大方故以無名爲演折者如水壅塞演者

如水決通然九折之義或唯二乘如初三折或通三乘則第四難差以下皆三乘義至文隨示而十演之義皆一乘也竟顯下謂無之迹有雖殊而自性之體無異 跖無爲等者料揀二名隨義殊也言無爲者謂四相不遷

三際莫易入性出自古亦無作法及與作者  
息障即三障也論略示惑苦生死大患也欲  
見下此四種感名四瀑流故本經二十七云  
一者欲瀑二者有瀑三者見瀑四者無明瀑  
釋曰欲界之惑除無明名欲瀑上二界惑亦

妄

八

除無明名有瀑身等諸見名見瀑三界無明  
名無明瀑此四能漂有情入生死海故云瀑  
流 趾義言宅也者二十七經云又涅槃者  
名爲屋宅能遮煩惱惡風雨故等 趾出現  
下經有十門第一名體性真常門經說真如

實際等爲涅槃故廣引恐繁初二對下無聲  
故寂離名也無色故寂離形也由雙離故虛  
虛則無所不遍故曠也曠遠也大也非有非  
無微也不出不在妙也離此諸相故曰無相  
妄知有心不能知也前離下用論即彼真如

門中文群有下謂四洲四惡趣四空并四禪  
無想與浮居梵王六欲天以二十五有屬三  
界苦果故本經第十云說正解脫無二十五  
有等量等者齊等也據永義亦常義趾欲配  
成四倒故云非空非前下踵去曰隨逆采曰

迎即過未也餘可知此約下明離四權潛影  
四實謂離苦顯樂等亦如下彼二十五云吾  
不知其名字之曰道強爲之名曰大夫曰逝  
等釋曰逝往也言道之大無往而無也往而  
愈極故曰遠也非獨於遠亦反於近言無不

審

九

在也然論文亦多擬老氏如彼第十四云無  
狀之狀無象之象是謂恍惚迎之不見其首  
隨之不見其後等故世之淺近者謂此論雜  
莊老之談未知乎假辭以明玄理也問莊老  
談道亦數當矣與內教何似淺深答佛教寵

深恢懿非予所盡識悟姑以所得毫芒之見  
而擬之吾宗玄妙但說我之本心此心之體  
虛寂也<sup>此</sup>之用靈明也八萬塵勞本離也恒沙  
性德本具也迷是心而凡夫悟是心而聖人  
迷悟唯轉此心心外別無一法莊老言道或

謂道降冲和萬物稟之以生成或謂萬物自  
然而然無張無主率皆心外談理有外明無  
細研二家天壤自遠五眼者一肉眼見障內  
之色二天眼見障外之色三法眼了諸法之  
相四慧眼了諸法之性五佛眼則悉徹性相

問肉天法眼不見可爾慧眼佛眼云何不見  
甚違本經如來了了見於佛性答二眼俱離  
見相無能所取故云不見如無知論云明逾  
日月而迷昏等花嚴下第二十八經 跖莊  
公下後二句云一質不成淨穢虧盈異質不

成一理齊平疏通引等者須菩提無說釋梵  
無聞故云兼也反證者謂引無言證前言者  
失真故也法華下彼第一云於三七日中思  
惟如是事等大品即第八九卷以來該數品  
經 跖斯皆者下謂唯內證聖智與之相應

言說轉遠也論不晦等者謂涅槃之體離  
晝夜寒暑之相亦可昭昭於心目之際不晦  
也寂寂於名相之外不明也餘義如下故跖  
義引等者然經文皆廣不能繁叙今取義釋  
之準法華經小乘以離虛妄名爲解脫其實

塞七

十

未得一切解脫一切解脫真解脫也 跖初  
二對等者謂有境尋之而五陰蕭然非有也  
無鄉求之而靈鑒昭然非無也二種生死皆  
苦陰也與理下謂理智如如非二也亦文撫  
老氏彼云抱一爲天下式等捐棄也亦本來

棄離非適也三事即三德祕藏如前宗中神而等者由常湛寂亡照故不居其功由無功故至功之用立無息者下云亭毒蒼生疎而不漏等經即第四卷義用也若各下體用各示超取其文也用可例說者靈不竭故抱一

抱一故神而無功無功故至功存功存故非無也自性涅槃體用融通大經二十一云如來涅槃非有非無等蹄四無色者即空無邊處等也準禪法要解略云一空無邊處謂觀色是苦若內若外分分折破度一切色相

等二識無邊處謂知空中受想行識如病如癱更求妙定則離空緣知是虛空從識而有謂之爲真但觀於識等三無所有處行者得識處已更求妙定觀識爲幻不住情不住緣不住中間如是思惟得離識處四非想非非想處謂一切想地皆羸可患如病如癱如是觀已則離無所有處入非想也謂無下地羸想名非想有當地微細想故名非非想故云四空九地者謂欲界一五趣雜居地色界四初禪離欲界生名離生喜樂地二禪名定生

喜樂地三禪名離喜妙樂地四禪已離喜樂之念名捨念清淨地無無色四名九地也治世等者班固前漢藝文叙云一曰儒流即周孔等二曰道流即莊老等三曰陰陽流即堯師具茨等四曰法流即皇陶浦刑等五曰名

流即高辛氏師赤松子置五行之官等六曰墨流即墨翟禽滑等七曰縱橫流即蘇秦張儀等八曰雜流兼儒墨合名法議國之事九曰農流即神農后稷等馬遷則先黃老而後六經衆聖所會者智論云魚歸於水鳥歸於

林聖歸涅槃法歸分別殊途等繫辭文疏王宮下託寄託也謂示生淨飯王宮疏難測用也道約脩也疏三乘等者以有餘無餘三乘之教皆有釋義大同小異若小教菩薩亦唯此二大心大行則別斷證位次則同

有宗云身智未盡名有餘若大乘者大鈔引遠公云二死因盡名有餘若法相則通說四種唯識云一有餘依涅槃謂即真如出煩惱碍雖有微苦所依未滅而障永寂故名涅槃等此論有名者但折二種不折所餘乘如下

謂乘運三十七菩提分法來至道樹而成正覺此釋如來也據於下謂二乘菩薩雖亦名覺覺而未極佛果覺圓故稱大也小乘以戒定慧解脫解脫知見爲五分法身依報下毘婆沙第一云色身是法身器法身所依故據

塞

士

此則以法身依報身也八解者下俱舍二十九云解脫有八種一內有色想觀外色解脫二內無色想觀外色解脫三淨解脫身作證具足住四無色定爲次四解脫滅受想定爲第八解脫八中前三無貪爲性次四各以本

地定善爲性第八解脫即滅盡定等謂念下擇法精進喜念定捨輕安爲七覺支大小下大鈔引小乘教說菩薩別修六度各有滿時仍滿在頂位依四諦理發四弘誓由苦諦故發度衆生集諦故斷煩惱滅諦故成佛果道諦故修萬行至忍位中趨菩提樹世第一心已去緣上下八諦發苦法智忍等一十六心無緣九地修惑起九無間九解脫斷惑證理以菩薩根利故五門合斷此義極多且略示一隅大乘教理如常釋之 跡三明者俱舍

二十七云一宿住智證明二生死智證明三漏盡智證明初心下即衆生無邊櫛頭度也疏弱喪者弱幼弱也喪失也謂幼弱而喪失鄉國也北山錄云使弱喪知其所歸食堪懷其好音是也以喻群生失本性地入生死

塞

十三

之野爾凡二十已下名弱二空者謂我法二空大乘之理也八正下持世經八聖道品略云一正見離諸邊邪見故二正思惟斷諸分別故三正語知言虛故四正業滅諸邪業故五正命捨資生販賣故六正精進離相運行

故七正念離諸邪念故八正定離諸定相故然經文極廣義皆實相與小乘八正乃別今取意略引以八正大小諸宗皆有故引大也庶孽者庶衆也亦凡庶也孽賤之稱也亦妖也五乘者三歸五戒人乘十善天乘四諦小乘十二因緣中乘六度大乘化儀者化生儀式也疏初二句下釋如來隨宜之應意兼下詳下論意如來本欲趣寂但餘緣未了故住有餘據此出生入死往來化物不在報身在隨類化身也以化依報起故就報身示之

化博者八正之道普霑一切也五行者謂說五乘之法以接五種之機化母者謂造化生物名化母依道書即氣也彼初章云有名萬物之母五十二又云夫下有始以爲天下母等若云道生之德蓄之則亦以道爲母也窮

疏通有等者始自庾苑終至涅槃十仙外道等皆餘緣也然皆小智所見執化爲報以權爲實

蓋下依天台判小乘教明因緣生滅四真諦理論中但言因緣始物以攝因緣終物如馬勝比丘云諸法從緣生緣離法即滅 趾初句下所證之理渝虛宇也窮三世時遍十方際故云無彊九止者古譯如人本欲生經

肇論新疏游刃

卷

古

永樂北藏

肇論新疏游刃

第一八六冊